

Հայաստան

Հունվար - մարտ, 2022 թվական

Այն բանից հետո, երբ 2021 թ. վերջում ավարտին հասավ Հայաստանի Միջգործակալական արձագանքման ծրագիրը, ՄԱԿ ՓԳՀ-ն ստեղծեց **Իրավական պաշտպանության եւ լուծումների խորհրդատվական հարթակ**, որի նպատակն է՝ ուղղորդել ու համակարգել մարդասիրական ոլորտի դերակատարների եւ պետական կառույցների՝ ՄԱԿ ՓԳՀ մտահոգության ներքո գտնվող անձանց պաշտպանության հետ կապված գործողությունները:

ՄԱԿ ՓԳՀ-ն մեկնարկել է **Վաղ ահազանգման համակարգ (ՎԱՀ)**՝ որպես սահմանային մարզերում իրավիճակի մշտադիտարկման նոր նախաձեռնություն: ՎԱՀ-ը հնարավորություն կտա ժամանակին ստանալ տեղեկություններ իրավական պաշտպանության ռիսկերի եւ մտահոգությունների մասին եւ կօգնի ՄԱԿ ՓԳՀ-ին եւ գործընկերներին՝ ժամանակին եւ արդյունավետորեն արձագանքել առկա խնդիրներին:

ՄԱԿ ՓԳՀ-ն մեկնարկել է **Իրավական պաշտպանության մշտադիտարկման** նոր նախաձեռնություն՝ բնակչության՝ մտահոգության ներքո գտնվող բոլոր խմբերի համար: Այն ավելի որակյալ հիմք կհանդիսանա այդ անձանց կարիքներին արձագանքման համար, այդ թվում՝ Ուկրաինայից տեղահանված քաղաքացիների, որոնք վերջերս դիմել են Հայաստանում ապաստան ստանալու համար:

ԱՌԱՆՑՔԱՅԻՆ ՑՈՒՑԱՆԻՇՆԵՐ

573 անձ

կապ է հաստատել ՄԱԿ ՓԳՀ օգնության թեժ գծի հետ, որը գործարկվել է ՄԱԿ ՓԳՀ գործընկեր «ԿԱԶԱ» շվեյցարական մարդասիրական հիմնադրամի կողմից: Հեռախոսազանգերի շուրջ 57%-ը ստացվել է փախստականի իրավիճակում գտնվող անձանցից. դրանց 98%-ն առնչվել է մարդասիրական օգնության ստացմանը:

3513 տեղահանված անձի

տրամադրվել են սոցիալական ծառայություններ, այդ թվում՝ խորհրդատվություն եւ դեպքերի կառավարում՝ ՄԱԿ ՓԳՀ գործընկեր «Առաքելություն Հայաստան» ՀԿ-ի կողմից:

122 տեղահանված անձ

մասնակցել է ՄԱԿ ՓԳՀ գործընկերոջ՝ Հայկական Կարմիր խաչի ընկերության կողմից հաշվետու ժամանակաշրջանի ընթացքում իրականացված խմբային հոգեբանական սեսիաների:




«Բերդի կանանց ռեսուրս կենտրոն» հիմնադրամը տեղահանված կանանց ներգրավել է սոցիալական ծեռնարկատիրության մեջ՝ ՄԱԿ ՓԳՀ-ի՝ հյուրընկալող համայնքներում կարողությունների զարգացման գործողությունների շնորհիվ, Բերդ, Տավուշի մարզ © UNHCR/Արեգ Բալայան

ՖԻՆԱՆՍԱՎՈՐՈՒՄ (2022 Թ. ՄԱՐՏԻ 29-Ի ԴՐՈՒԹՅԱՄԲ)

Ֆինանսական պահանջներ


12.7 մլն ԱՄՆ դոլար



Պակասող ֆինանսավորում՝ 96%

12.1 մլն ԱՄՆ դոլար

ՄՏԱՀՈԳՈՒԹՅԱՆ ՆԵՐՔՈ ԳՏԵՎՈՂ ԲՆԱԿՉՈՒԹՅՈՒՆԸ* 2022 Թ. ՓԵՏՐՎԱՐԻ ԴՐՈՒԹՅԱՄԲ



Աղբյուրը. ՄԱԿ ՓԳՀ Տարեկան վիճակագրական զեկույց, 2022 թ. փետրվար

Գործառնական համատեքստ

ՄԱԿ ՓԳՀ ծրագրված գործողությունները 2022 թվականի համար

2022 թվականին ՄԱԿ ՓԳՀ-ն շարունակում է իր նպաստը բերել փախստականներին վերաբերող համապարփակ օրենսդրության մշակմանը, շահերի պաշտպանության գործողություններին, ՄԱԿ ՓԳՀ մտահոգության ներքո գտնվող անձանց հետ աշխատող Միգրացիոն ծառայության, սահմանապահների, դատական համակարգի և Հանրային պաշտպանի գրասենյակի իրավաբանների կարողությունների զարգացմանը: Ի լրումն, ՄԱԿ ՓԳՀ-ն նախատեսում է տեխնիկական աջակցություն ցուցաբերել Աբովյան քաղաքում կառուցվող Ապաստան հայցողների ժամանակավոր տեղավորման կենտրոնին, ինչպես նաև մշակել հեռակա ուսուցման ծրագիր Սահմանապահ ծառայության անձնակազմի համար, ներառյալ՝ համապատասխան համակարգչային սարքավորումների տրամադրումը:

ՄԱԿ-ի ՓԳՀ-ն, իր գործընկերների հետ համատեղ, աջակցում է խաղաղ համակեցության 12 նախագծերի և համայնքահեն կազմակերպությունների ներկայացրած 10 նախագծերի, որոնց նպատակն է տնտեսական ինտեգրման խթանման և հյուրընկալող համայնքներում խաղաղ համակեցության պահպանման նպատակով միջոցների և համայնքային համախմբման առաջնությունը: Հատուկ ուշադրություն է դարձվում տեղահանված անձանց մոտիվացմանը և հասարակության կյանքում նրանց ներգրավմանը, որպեսզի նրանք իրենց նպաստը կարողանան բերել հյուրընկալող համայնքներ:

Տեղահանված անձանց բարեկեցության և հիմնական կարիքների բավարարման նպատակով ՄԱԿ ՓԳՀ-ն շարունակում է տրամադրել դեպքերի կառավարման և մասնագիտացված ծառայություններ՝ հիմնված իրավական պաշտպանության մշտադիտարկման և օգնության թեժ գծի գործարկման արդյունքների վրա: Կենսապահովման ծրագրերի, ինչպես նաև մասնագիտական դասընթացների և հայոց լեզվի դասընթացների հասանելիության ապահովման հետ մեկտեղ՝ ՄԱԿ ՓԳՀ-ն շարունակում է դրամական աջակցություն ցուցաբերել առավել խոցելի տեղահանված անձանց: Կարևոր գործողություն է լինելու նաև երեխաների պաշտպանության կարիքների վերհանման և գենդերահեն բռնության զոհերի վաղ հայտնաբերման ու արձագանքման համապատասխան գործողությունների կազմակերպման թեմաներով գործընկեր կազմակերպությունների կարողությունների զարգացումը:



Տեղահանված կինը ստացել է խոհանոցային տեխնիկա՝ ՄԱԿ ՓԳՀ-ի՝ եկամտի ստեղծման գործիքների տրամադրման ծրագրի միջոցով, Դեբեդ, Լոռու մարզ:

Ձեռքբերումներ. 2022 թ. հունվար-մարտ



697 տեղահանված անձի տրամադրվել են առողջապահական ծառայություններ ՄԱԿ ՓԳՀ գործընկեր «Առաքելություն Հայաստան» ՀԿ-ի կողմից:



412 տեղահանված անձինք բժշկական օգնություն են ստացել «Առաքելություն Հայաստան» ՀԿ-ի կողմից:



191 տեղահանված անձինք ստացել են իրավաբանական խորհրդատվություն և աջակցություն «Առաքելություն Հայաստան» ՀԿ-ի կողմից:



16 տեղահանված երեխաների տրամադրվել է դեպքերի մասնագիտացված կառավարում ՄԱԿ ՓԳՀ-ի գործընկեր Հայկական Կարմիր խաչի ընկերության կողմից:



25 տարեցների և հատուկ կարիքներ ունեցող անձանց ցուցաբերվել է օժանդակություն Հայկական Կարմիր խաչի ընկերության և «Առաքելություն Հայաստան» ՀԿ-ի կողմից:



77 տեղահանված անձ մասնակցել է Հայկական Կարմիր խաչի ընկերության կողմից կազմակերպված տնտեսական ինտեգրման տեղեկատվական հավաքների, իսկ 19 տեղահանված անձ՝ ընդհանուր բնույթի տեղեկատվական հավաքների:



ԻՐԱՎԱԿԱՆ ՊԱՇՏՊԱՆՈՒԹՅՈՒՆ

- Հայաստանի Հանրապետության Միգրացիոն ծառայության խնդրանքով՝ 2022 թվականին ՄԱԿ ՓԳՀ-ն աջակցում է ՀՀ կառավարությանը՝ Միգրացիայի պետական կառավարման հայեցակարգը և 2021 թ. գործողությունների ծրագիրն իրականացնելու գործում: Այս աջակցության շրջանակում ՄԱԿ ՓԳՀ-ն 2022 թ. առաջին եռամսյակում ֆինանսավորել է **Հայաստանի ապաստանի համակարգում առկա կարողությունների բացերի և կարիքների համապարփակ գնահատում**: Գնահատումը կձառայի որպես փաստական հիմք՝ միգրացիոն հոսքերի կառավարման ազգային ծրագրի մշակման համար, որը պետք է մեկնարկի ընթացիկ տարում:
- Կարողությունների զարգացում**. նոր հավաքագրված 28 սահմանապահներ օգտվել են 2022 թ. փետրվարի 24-ին «Փախստականների մասին» օրենքի թեմայով վերապատրաստման դասընթացից:



ԱՊԱՍԱՆ ԵՎ ՈՉ ՊԱՐԵՆԱՅԻՆ ԱՊՐԱՆՔՆԵՐ

- Կարիքների գնահատման հիման վրա՝ հաշվետու ժամանակահատվածում ՄԱԿ ՓԳՀ գործընկեր «Առաքելություն Հայաստան» ՀԿ-ն դրամական օգնություն է տրամադրել **75 տեղահանված տնային տնտեսությունների**՝ վարձակալության ծախսերը հոգալու համար:
- Մոտ **27 տնային տնտեսություն** օգտվել է ոչ դրամական օժանդակությունից (ներառյալ՝ հագուստ և հիգիենայի պարագաներ):

Գործընկերային աշխատանք

- ՄԱԿ ՓԳՀ հայաստանյան գրասենյակը, ՄԱԿ-ի հայաստանյան թիմի հետ միասին, համագործակցում է պետական և ոչ պետական շահակից մարմինների հետ: ՄԱԿ ՓԳՀ-ն անդամակցում է ՄԱԿ-ի միջգործակալական համակարգման մի շարք հարթակների ու մեխանիզմների: ՄԱԿ-ի երկրի հավաքականի հետ համատեղ՝ այն խթանում է Հայաստանում «Կայուն զարգացման օրակարգ 2030»-ի կենսագործման աշխատանքները՝ 2021-2025 թթ. ՄԱԿ-ի Կայուն զարգացման համագործակցության շրջանակի միջոցով:
- Իր կորպորատիվ գործընկերոջ՝ գլոբալ մարքեթինգային **MADE51** գործակալության, ինչպես նաև **WFTO**-ին անդամակցող **HDIF**-ի միջոցով ՄԱԿ ՓԳՀ Հայաստանի գրասենյակը տեղահանված սիրիացի արհեստավորներին ներգրավում է ավանդական արհեստագործական արտադրության մեջ՝ նպաստելու նրանց կենսապայմանների և ինքնապավինման բարելավմանը:
- ՄԱԿ ՓԳՀ-ն շարունակում է աջակցել ՈւԵՖԱ-ի կողմից ֆինանսավորվող «Ինտեգրում ֆուտբոլի միջոցով» համայնքային ծրագրին, որը նախատեսված է տեղահանված ու տեղացի երեխաների համար և վեց հյուրընկալ համայնքներում իրականացվում է **Հայաստանի ֆուտբոլի ֆեդերացիայի** (ՀՖՖ) կողմից: ՄԱԿ-ի Փախստականների գործակալությունը և ՀՖՖ-ն իրականացնում են մշտադիտարկման համատեղ այցելություններ՝ դիտարկելու ծրագրի առաջընթացը և գնահատելու դրա ներգործությունը:

Ֆինանսական տեղեկություններ

2022 թվականին ՄԱԿ ՓԳՀ հայաստանյան գրասենյակը փորձում է **12.7 միլիոն ԱՄՆ դոլար** հայթայթել՝ փախստականի իրավիճակում գտնվող անձանց կարիքների բավարարման և իր տարեկան ծրագրի ծախսերը հոգալու նպատակով:

ՄԱԿ ՓԳՀ-ն երախտապարտ է եվրամիությանը՝ 2022 թվականին Հայաստանում իրականացվող իր ծրագրերին աջակցելու համար:

ՄԱԿ ՓԳՀ-ն նաև շնորհակալություն է հայտնում հետևյալ դոնոր կառույցներին, որոնք 2022 զլոբալ ծրագրերին առանց նախապայմանների հատկացրել են ավելի քան 10 միլիոն ԱՄՆ դոլար.

[Շվեդիա](#) | [Նորվեգիա](#) | [Նորվեգիա](#) | [Նիդեռլանդներ](#) | [Դանիա](#) | [Գերմանիա](#) | [Շվեյցարիա](#) | [մասնավոր դոնորներ – Իսպանիա](#) | [Բելգիա](#) | [Իռլանդիա](#)
[Ալժիր](#) | [Հայաստան](#) | [Բուլղարիա](#) | [Կանադա](#) | [Էստոնիա](#) | [Ֆինլանդիա](#) | [Իսլանդիա](#) | [Լիխտենշտեյն](#) | [Լիտվա](#) | [Լյուքսեմբուրգ](#) | [Մոնակո](#) | [Չեռնոգորիա](#) | [Պերու](#) | [Քաթար](#) | [Կորեայի Հանրապետություն](#) | [Սաուդյան Արաբիա](#) | [Սինգապուր](#) | [Թաիլանդ](#) | [Թուրքիա](#) | [Ուրուգվայ](#) | [մասնավոր դոնորներ](#)

Առանց նախապայմանների հատկացված միջոցները որևէ սահմանափակմամբ չկաշկանդված այն գումարներն են, որոնց շնորհիվ ՄԱԿ ՓԳՀ-ն հնարավորություն է ստանում ճկուն կերպով օժանդակելու մտահոգության ներքո գտնվող՝ ծայրահեղ կարիքավոր և վտանգված բնակչությանը: